



03 APR, 2022

FAMA menaiktaraf pasar tamu di Sarawak

Utusan Borneo Sarawak, Malaysia

Page 1 of 2



PASAR: Ronald (dua kanan) diiringi yang lain semasa mengadakan lawatan kerja ke Medan Niaga Satok semalam.

FAMA menaik taraf pasar tamu di Sarawak

Projek berkenaan merupakan kerjasama antara MAFI menerusi FAMA dengan kerajaan negeri

Oleh Jessica Jawing

KUCHING: Sebanyak 15 pasar niaga atau pasar tamu di bawah Lembaga Pemasaran Pertanian Persekutuan (FAMA) di Sarawak akan dinaik taraf dalam Rancangan Malaysia Ke-12 (RMK12).

Menteri Pertanian dan Industri Makanan (MAFI) Datuk Seri Dr Ronald Kiandee berkata, projek berkenaan merupakan kerjasama antara kementeriannya menerusi FAMA dengan kerajaan negeri.

"FAMA akan menambah baik pasar niaga yang ada di seluruh negeri.

"Kira-kira RM7 juta diperuntukkan di bawah RMK12 iaitu untuk menaik taraf 15 pasar niaga di seluruh Sarawak sepanjang rancangan berkenaan.

"FAMA akan terus menyumbang untuk menambah baik struktur perniagaan di seluruh negara termasuk Sarawak," katanya.

Beliau berkata demikian pada sidang media selepas lawatan kerja ke Medan Niaga Satok yang dihadiri Timbalan Menteri Pemodenan Pertanian Martin Ben di

“Kira-kira RM7 juta diperuntukkan di bawah RMK12 iaitu untuk menaik taraf 15 pasar niaga di seluruh Sarawak sepanjang rancangan berkenaan.”

Datuk Seri Dr Ronald Kiandee
Menteri Pertanian dan Industri Makanan

sini semalam.

Ronald berkata, usaha menaik taraf itu akan diteruskan dan FAMA akan terus memainkan peranan sebagai agensi pemasaran yang bukan sahaja membantu peniaga dan pengusaha tetapi mewujudkan satu suasana perniagaan selesa bagi semua pihak.

"Kita juga mengalu-alukan kerjasama kerajaan negeri yang menyumbang dana bagi menambah baik infrastruktur perniagaan yang ada di Sarawak," tegasnya.

Katanya ia termasuk projek menaik taraf Medan Niaga Satok (MDS) di mana kerajaan negeri telah memperuntukkan RM7 juta bagi kerja pembangunan dan naik taraf tempat letak kereta bertingkat, naik taraf Blok B, C dan D.

"Ia merupakan satu projek besar yang telah dirasmi-

kan pada tahun 2013 dan ketika ini ada sebahagian daripadanya sedang dalam penambahbaikan yang dilaksanakan antara FAMA dan kerajaan negeri.

"Kita mendapat sumbangan daripada kerajaan negeri sejak 2019 dan 2020, sebanyak RM7 juta untuk penambahbaikan kemudahan di Medan Niaga Satok ini," katanya.

Beliau berkata ia merupakan kerjasama erat bersama agensi persekutuan dengan kerajaan negeri untuk menyediakan kemudahan kepada peniaga, pengusaha atau pengunjung di Kuching.

Mengenai penyiapan projek MDS, Ronald berkata ia akan siap secara berfasa dengan ada antaranya dijangka siap pada Mei depan kerana ada yang sedang dalam proses akhir untuk menyempurnakan pembinaan.



03 APR, 2022

FAMA menaiktaraf pasar tamudi Sarawak

Utusan Borneo Sarawak, Malaysia

Page 2 of 2

SUMMARIES

Projek berkenaan merupakan kerjasama antara MAFI menerusi FAMA dengan kerajaan negeri

Oleh Jessica Jaung KUCHING: Sebanyak 15 pasar niaga atau pasar tamu di bawah Lembaga Pemasaran Pertanian Persekutuan (FAMA) di Sarawak akan dinaik taraf dalam Rancangan Malaysia Ke-12 (RMK12). Menteri Pertanian dan Industri Makanan (MAFI) Datuk Seri Dr Ronald Kiandee berkata, projek berkenaan merupakan kerjasama antara kementeriannya menerusi FAMA dengan kerajaan negeri.